



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Ecclesiastici

Jncipiens à Juliano Apostata Jmperatore, perducitur vsque ad obitum
Theodosii Augusti: continet annos XXXIV.

Baronio, Cesare

Coloniæ Agrippinæ, 1624

Sanctissimo Ac Beatissimo Patri Et D.N. Clementi VIII. Pontifici Maximo
Cæsar Barnoivs Congregationis Oratorij Presbyter sempiternam
felicitatem.

urn:nbn:de:hbz:466:1-14548



SANCTISSIMO
AC BEATISSIMO PATRI
ET D.N. CLEMENTI VIII.
PONTIFICI MAXIMO

CÆSAR BARONIVS CONGREGATIONIS
Oratorij Presbyter sempiternam felicitatem.



IVINO planè nutu factum esse videtur, Beatissime Pater, vt qui tempore Sixti Quinti sanctæ memoriæ Pontificis Maximi, Annales nostri in lucem prodire cœperunt, eorundem Tomus quartus, quarto tibi eiusdem in sede Pontificia successori iure debitus persoluatur; & quidem auspicijs felicissimis, afferens secum sua tractatione quatuor illos Orientalis Ecclesiæ vertices, sanctissimos Episcopos atq; Doctores, Magnum Athanasium, Basilium itidem Magnū, Gregorium Theologum summum; & Ioannem eloquentia maximum cognomento Chrysoptomū; cumque ijs adducens quatuor Occidentalis Ecclesiæ culmina, fidei columnas, luminaria magna, Orbis miracula, Hilarium, Hieronymum, Ambrosium & Augustinum; tantorum Patrum corona cingens thronum tuum, ipsis quoq; Angelis venerandum. Præclaris igitur hisce comitibus animosior offert sese sacro conspectui tuo Quartus hic mihi genitus partus, tibi verè primogenitus, expetens vt primogenitus à te benedici, nec non quarto loco nato filio impertitam à Iacob benedictionem accipere: sed, nimirum vtilius, tua Sanctitas ad declinandam inuidiam, duas hæc benedictiones vna illa compensabit, qua cœlestia eademq; perennia tribuuntur: Hanc vt consequi merear, oro cupioque iidem apud te existant tanti proceres intercessores: quos ista tua erga me beneficia tibi concilians, alijsq; demerens officijs, magna ab eis exigere poteris beneficia, habiturus eos tibi iugiter assistentes in rebus difficillimis consultores, consolatores in aduersis, in aduersarios propugnatores, & adiutores in pastoralis onere sustinendo; tantoque vallatus agmine beatorum, omnia bene cœpta felicioribus successibus prosequaris, vt Ecclesiæ gaudium impleatur: Quæ quidem post innumerabiles clades, postq; tot Romanorum Pontificum breui temporis spatio funera, ad electionem tuam diuinitus inspiratam respirans tandem, lugubria vestimenta deposuit, accipiens à Domino, secundum diuinum oraculum, oleum gaudij pro luctu, pro cinere coronam, & pro spiritu mœroris pallium laudis, ad spem quoq; maiorem erecta, vt in te quod sequitur impleatur, nimirum, deserta à sæculo ædifices, ruinas antiquas erigas, &

Genf. 27

Genf. 49

Isaie 61.

dissipatas ciuitates instaures, ipsas nempe Ecclesias ad fidem restituas iam ab impietate prostratas. Maiore verò perfunditur gaudio, cum tantæ erigendæ molis iacta iam videat fundamenta, & optata diu surgere moenia à terra, erigiq; super bases suas ingentes columnas, dum ad summos honores optimos quosq; prouehis. Accedit ad lætitiæ cumuluny quod aspiciat diu extorrem restitui Ecclesiasticam disciplinam, vigilare morum censuram, reuiuiscere sui obseruantia leges, sacrosq; canones pristino nitore florescere, cohiberi improborum audaciam, postliminio reuocari exulem probitatem, sacrarumque rerum scientiam ex cœli vehementiùs.

Ingens planè se hic aperiret curriculum orationi meæ, si vellem eam per amplissimum campum virtutum tuarum laxatis quasi habenis immittere: sed illas vt contraham, facit perpetua atq; admirabilis modestia tua, qua soles laudes exstimare iacula, & hostes credere laudatores. Sed quando hoc mihi nulla ratione conceditur, reliquum est, vt (secundum illud Apostoli: Siue excedimus, ^{2. Cor. 5.} Deo: siue sobrij lumus, vobis) quoniam cogitur oratio per tuas laudes transilire ieiuna eandem concitatam semel, sinam effuso cursu prorumpere in laudes Dei, & vberes gratiarum actiones, in quibus nullam timere possit inuidiam, neq; suspicionem adulationis incurrere, cum & impellatur religione, atq; vrgeatur ex debito. Etenim quis impiè & ingratiè nimis tot tantaq; Dei dona tibi pro salute omnium attributa duxerit esse obuoluenda silentio & iniqua obliuionis veluti nube obscuranda, ac non potiùs pro illis Deo optimo maximo omnium bonorum auctori immortales immensasq; gratias & agendas & habendas esse censuerit: cum vel ab ipsis in cunabulis sua prouidentia (vt vna ^{Dent. 32.} Prophetæ sententia cuncta complectar) te ei: cum duxerit & docuerit, & custodierit vt pupillam oculi sui: parentem illum in primis tribuens, maximum nostri sæculi decus, qui cum sapientia polleret ac rerum scientia, duabus hisce alis te sicut aquila prouocans ad volandû pullem suum, docuit suo ductu ima despicere, ac sublimia petere quam celerrimo volatu: Sed citò nimis altius se effrens, & sese in cœlestibus abdens, ab oculis subductus est tuis: verum reliquit tibi, quem sequeris: lucem præuium, morum magistrum, virtutum viuum exemplar, Ioannem clarissimæ memoriæ germanum fratrem tuum, magnum illum S. R. E. Cardinalem quauis laude maiorem: qui prouidum agens aurigam credite sibi quadrigæ, quatuor fratres summa concordia moderatus, dignos Apostolicæ Sedis dignis obsequijs mancipauit: te verò præcipuè propensiore cura atq; solertiore in dũstria, veluti præsciũ futurorũ ad perfectiorem imaginem probitatis excoluit, ad hoc à Deo tam diu cœli ciuis agere permissus in terris, donec susceptum opus absolueret: Qui ex hac vita recedens, amplissimi te patrimonij reliquit heredem, sapientiæ scilicet ipsius fidei à Deo commissæ, in te postea plenè atq; integrè transferendæ; quæ indiuidua tibi semper focia iungeretur & comes confessura tecum in eminentiorib. Ecclesiæ tribunalibus, progressura pariter ad remotiores prouincias in Romanæ Ecclesiæ honestissimis functionibus, conciliatura tibi Reges & Principes, ac cuncta deniq; dexterè confectura: qua item duce tandem tu, quasi alter Dauid, fratrum tuorum natu minimus, Maximus Pontifex exorirè: vt meritò gratias Deo referens, illud ipse eiusdem Dauidis vsurpare possis: Tenuisti manum dexteram meam, & in voluntate tua deduxisti me, & cum gloria suscepisti me.

Cum

Cum igitur pro
uina bonitati a
cumbit ex mune
lum Clementem
undem quem re
vestigijs, sicut ill
ctitas æque fieri
stinus expend
put historiam
pus vrgerenon
tias agere debeo
tentem sub mo
searis admouit,
elucubratum q
Vicario, tuis ad
cerdos quod sa
secretur, vt sic
omnibus vijs tu

Cum igitur pro his donis à Deo tibi communi hominum bono concessis diuinæ bonitati ab omnibus sint gratiæ agenda: mihi certè id potissimum incumbit ex munere, quòd in te Clemente Deus optimus maximus summum illum Clementem Petri Apostoli successorem mihi præstitit rediuuum, cum eundem quem refert nomine, præteferas exemplo, insistensq; tanti præcessoris vestigijs, sicut ille ad scribenda res gestas Notarios septem delegit, ita tua sanctitas æquè sciens tantam haud negligendam esse prouinciam (quam S. Augustinus expendens, magna fiducia dixit, Christianæ religionis sectandæ esse caput historiam) ad prosequendos cœptos Annales Pontificia munificentia opus urgere non cessas. Quo quidem nomine maximas Deo Patri luminum gratias agere debeo, qui ad lucubrationum mearum lucem, tantam lucernam latentem sub modio super candelabrum constituit, illudq; meis chartis per obsecris admouit, quo tanto fulgore illustrata splenderent: Ad cuius lumen elucubratum quartum hunc eorundem Annalium tomum tibi ipsi, vt Christi Vicario, tuis aduolutus pedibus, libens do, dono, dicoq; Tu vero, Summe Sacerdos (quod sacri muneris est) oblatum manipulum ad Deum eleua, vt consecretur, vt sic in eo reliqua messis benedicatur. Vale Beatissime Pater, teq; in omnibus vijs tuis Dominus feliciter antecedit.

August. de
vera re-
lig. cap. 7.

Lenit. 23.

